

Date – 30/10/2025
Time - 7:30 -7:40 Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Agriculture Minister Pu PC Vanlalruata'n Mizoram ah khuarel chhiatna avanga huan thlai chan te tana chhawmdawlina Crop Insurance Scheme - PMFBY 2025-26 chu hman thuai ani dawn a ti.
2. Rampawn atanga Ruihhlo luttur danchah beihpui thlakna Operation Jericho chu Lawngtlai District chhung hmun hrang hrangah ngawrh takin kalpui mek a ni.
3. Prime Minister Narendra Modia chuan Maritime sector chu India eibar dinhmun ti thangtu ber anih thu a sawi.
4. Union Coal Ministry chuan nimin khan Commercial Coal Mine Auction Round 14-na New Delhi-ah an tan.

<><><>

PMFBY

Agriculture Minister Pu PC Vanlalruata'n Mizoram ah khuarel chhiatna avanga huan thlai chan te tana chhawmdawlina Crop Insurance Scheme - Pradhan Mantri Fasal Bima Yojana (PMFBY), 2025-26 chu hman thuai ani dawn tih a sawi.

Agriculture Minister chuan thawhtannia ZPM chhung inkhawmah he thu hi sawiin Mizoramah loneituten an huan thlai hrang hrang khuarel chhiatna emaw ran puang emaw avanga an hlohna man hu an hmuh let theihna tur Crop Insurance Scheme chu peih fel tep tawh a ni a ti a, Committee indin felin a taka kalpui turin theihtawpa chaka thawh mek ani tih a sawi.

Minister chuan hemi kawngah hian TATA AIG general insurance company chu sawrkarin a thawhpui dawn tih sawiin PMFBY hnuaiah Khawkheng, tuilian, thlai hrik leh natna hri, leimin, natural fire, tek, thlipui leh rial vanga chhiatna te insure theih a ni a ti a. A insurance leina man (premium rate) chu fur thlai cereals & pulses ah zaa 2, commercial crop ah zaa 5 a ni a. Thlasikah chuan cereals & pulses hi zaa 1.5 leh commercial hi zaa 5 a ni.

PMFBY hnuaiah hian Horticulture crop dang pawh a awm bawh a, season khat chhung atan zel a ni a, Kum dangah chuan Insurance Company rawn intatlut duh te zawn thin a ni a, kuminah chuan sawrkar laipui hnuaia Agriculture Insurance Company te nena hmalak ho tur a ni dawn a ni.

MPFBY kalphungah hian central share, state share leh loneitute tum ve tur te a awm a. Loneituten an pek ve tur chhawk zangkhai turin Mizoram sawrkar chuan loneitute (crop insurance) premium pek ve tur chu thahnem tak a tum dawn a ni.

<><><>

CM

Meghalaya a cham mek Chief Minister Pu Lalduhoma chuan nimin khan Dawki Land Port, West Jaintia Hills District a mi chu a tlawh a, he hmuna thawkte a kawm a ni.

Dawki Land Port hi India leh Bangladesh ram te insumdawn tawwna hmunpui a nih bakah ram pahnih mipuite dan ang thlapa an inkalpawhna hmun a ni. Land Port chhungah hian Integrated Check Post , Cargo Terminal, Warehouse Building, Weighbridge, Passenger Terminal Building, Canteen Facility, Medical Facilty, Forex Counter, Duty Free Shop leh Parking area te a awm a. Land Ports Authority of India hnuaia din niin, kum 2023 khan hawn a ni.

<><><>

UNION MOS

Union Minister of State Dr Jitendra Singh an BJP chu thil ti tak tak thin, dawt leh thu belh chian dawl lo sawi mai mai lova a taka hna thawk thin an ni a ti.

Dampa Biala BJP tana campaign tura lo kal Pu Singh a hian nimin tlai khan BJP Mizoram State Office Upper Republic ah thuthar thehdarhtute kawmin, hmarchhak state dangte anga BJP thlang tling a, BJP sorkarna siam turin Mizoram a sawm a. Central scheme-ten hmun kilkhawr zawk an thlen theih nan te, thalaite tuina lam leh ei zawwna ngelnghet an neih theihna tura hmalakna te, khualzin hipa hma sawwna tak tak a thlen theihna turin hma lak a nih thu a sawi a. BJP chu tumah thliar hrang ngai lo a nih angin Dampa bial by-election ah an lo tling a nih chuan ram chhung hmun dangte angin rualkhai takin hmasawwna hnathawh a ni ang a ti.

Union Minister chuan Prime Minister Narendra Modi chuan hmarchhak bial chu tum 70 chuang tlawh tawhin, Prime Minister awm tawh zawng zawngtena hmarchhak bial an tlawh zat belh khawm aia tam mah a nih thu a sawi bawk.

Dr Jitendra Singh hian tum lawk ang chuan vawiin hian Silsuri ah Public Meeting a nei anga, Public Meeting a neih zawh ah Lengpui Airport atangin New Delhi a pan nghal dawn a ni.

<><><>

LAWNGTLAI

Mizoram puma hmalakna kalmek, Rampawn atanga Ruihhlo luttur danchah beihpui thlakna Operation Jericho chu Lawngtlai District chhung hmun hrang hrangah ngawrh takin kalpui mek a ni.

Hetianga hmalakna kalpui mek a nih rual hian Lawngtlai District Transport Officer chuan, Motor neitu leh khalhtute zawmtur hriattir chhuahin, Lawngtlai District a Motor inziaklutte chuan an lirthei ah Ruihhlo eng chi mah phurh phal a nilova, mipui leh lirthei neitu ten ngaihpaawimawh in zawm theuh turin a hriattir a, Ruihhlo phur lui an awm anih chuan an lirthei registration / permit cancel bakah a phurtu Driver Driving Licence cancel sak a nihtur thu DTO, Lawngtlai in hriattirna a chhuah ah chuan tarlan tel a ni.

Lawngtlai DC Pu Donny Lalruatsanga kaihhruaina hnuai ah Operation Jericho hi chak leh ngawrh takin Lawngtlai District ah October 13 atang khan kalpui niin, kumin December 31 thleng a awm dawn a, Check Point hrang hrangah te Police, Excise leh Tlawmngaipawl te chhun zan zawmin an duty thin a ni.

<><><>

GST

Sorkar laipuiin kumin September 22 atanga India ram puma GST rate thar a hman hnuah nitin mamawh engemaw zatah thil man a tlahniam a, chu'ng zingah chuan naute mamawh (diaper/ napkin) pawh zaa 12 atangin zaa 5-ah tihhniam niin, heihi nu leh pa tam tak chhawk zangkhaitu a ni mek.

Akashvani Aizawl chuan mi hrang hrang a kawm kualnaah diaper hmang naupang neite chuan GST hniam avanga online-a diaper an chah thin chu a man a tlawm tawh thu leh an lawm thu an sawi a; online-a naute diaper chahtute sawi danin, tun hmaa diaper an chah thinte chu tunah chuan Rs 300 velin a man a tlawm tawh a ni.

Mizorama lirthei zuartu te pawhin tun hma aia nasa zawkin an lirthei zawth te an hralh chhuak ngei dawn tih a hriat tawh a ni.

G.I.G Motors thuneitute hnen atanga Akashvani thudawn danin, nimin September ni 20 kha GIG Motors chuan ni khata lirthei lei tura inziak lut tam ber an tawn tum a ni hial a. Kum 2017-a an din tan atanga ni khata lirthei lei tum inziak lut an tam ber tum record an lo siam tawh chu, nimin khan khumin lirthei lak tum mi 58 lai an inziaklut a ni.

Akashvani thu dawn danin, GST 2.0 hman tur hi Mizo mipui te tan pawh a tha dawn hle a, hemi avanga motor man offer san laia lak hman ngei tumin G.I.G Motors hnuaia ARENA leh NEXA Showroom kaltlangin lirthei hi a hralh hnem dawn a, inziak lut te hi naktuk September ni 22 atanga pek chhuah runpui neih a ni ang.

G.I.G Motors chuan an hnuaia Showroom - ARENA Edentharr, NEXA Thuampui, Commercial Chaltlang leh Lunglei Outlet atangin September thla chhung hian Motor 250 chuang pek chhuah theih an inbeisei thu an sawi a ni.

GST thar tur chungchang hi Akashvani chuan a lo zirchiang fo tawh a, a lan dan chuan lirthei man hi nasa takin a tlahniam dawn, hei vang hian lirthei lei thar an pung viau tura nghaih a ni. GST tharah chuan, tun hma lama chhiah zaa 28 vel an lak thin kha zaa 18 bawrah a tlahniam dawn a, hei hian nghawng lian tak a nei dawn a ni.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.

<><><>

PM

Prime Minister Narendra Modia chuan Maritime sector chu India eibar dinhmun ti thangtu ber anih thu a sawi. Nimina Maritime Leaders Conclave leh India Maritime Week 2025-a Global Maritime CEO Forum a hruainaah he thu hi sawiin Pu Modia chuan kum 10 kalta chhung khan Maritime sector lam hian nasa takin sumdawnna a tithang a, lawngchawlhna hmuna hmasawnna ruhrel te tihchangtlun zel a nih thu a sawi bawk.

PM Modia hian tuipui lama sumdawnna leh lawng siamna hmun tihchangtlunna tur hmalakna cheng vaibelchhe nuai 2 leh sing 2 hu a hawng bawk a ni.

<><><>

COAL

Union Coal Ministry chuan nimin khan Commercial Coal Mine Auction Round 14-na New Delhi-ah an tan. Union Ministry chuan thuchhuah siamin he auction hi mellung pawimawh tak niin India in energy lama intodelh a tumna kawngah leh hmasawnna tluantling neih kawnga hun pawimawh tak anih thu a sawi a. Tun tumah hian lungalhthei khur 41 lilam a ni a. Heng zinga 21 hian Underground Coal Gastification (UCG) an nei a ni.

<><><>